




## SERTAI KUMPULAN MEDIA SOSIAL

Facebook boleh menjadi sumber yang berguna untuk mencari kumpulan warga emas lain yang mempunyai minat yang sama. Ia juga boleh menjadi alat yang berguna apabila anda merancang untuk mengadakan perjumpaan dengan rakan-rakan anda.



## MENCARI KUMPULAN MINAT



Dengan lebih **70%** penduduk negara berada di platform media sosial, anda pasti dapat menemui kumpulan yang anda minat!

Dalam aplikasi Facebook anda, **tekan ikon kanta pembesar** di sebelah kiri atas untuk memulakan carian anda. Kemudian, **taipkan kumpulan minat** yang ingin anda terokai.

Contohnya, jika anda mencari orang yang suka memancing atau teman untuk memancing, anda boleh membuat carian "memancing Singapura" untuk mencari kumpulan-kumpulan memancing di Singapura.


Seterusnya, tekan '**Kumpulan**' di bawah ruangan carian untuk menyaring hasil carian anda. Anda boleh melihat kumpulan-kumpulan tersebut dan menekan kumpulan yang paling sesuai dengan minat anda. Kemudian, tekan '**Sertai Kumpulan**'.

Sesetengah pentadbir kumpulan mungkin memerlukan anda menjawab beberapa soalan sebelum mereka meluluskan anda sebagai anggota. Namun begitu, anda tidak perlu bimbang kerana kebanyakan kumpulan yang aktif akan meluluskan penyertaan anda dalam masa sehari.

Adakah anda mempunyai rakan yang menyambut hari lahir, atau pertemuan keluarga yang akan tiba tidak lama lagi?

Gunakan acara Facebook dan elakkan sebarang kerumitan untuk menelefon semua orang satu per satu!

## MENGANJURKAN SEBUAH ACARA




Tekan butang ikon **tiga baris** di sebelah **kanan bawah halaman utama**, kemudian pilih '**Acara**'.

Seterusnya, pilih '**Cipta**' dari menu di bahagian atas, kemudian '**Cipta Acara**'.

Anda boleh memilih untuk **membuat acara anda tanpa gangguan** dengan memilih '**peribadi**' dari **menu atas**, atau **membuka acara anda untuk semua** dengan memilih '**umum**' sekiranya anda mempunyai ruang yang cukup untuk kumpulan besar. Isikan maklumat yang selebihnya seperti foto acara, masa, lokasi dan butiran acara. Kemudian, tekan '**Cipta**' untuk melengkapkan proses mencipta acara anda.

Di halaman acara, jemput rakan dan keluarga anda di Facebook dengan menekan pilihan 'Jemput' dan memilih dari senarai rakan Facebook anda.

Kami berharap panduan ini berguna untuk anda terus meneroka Facebook!



INFOCOMM  
MEDIA  
DEVELOPMENT  
AUTHORITY

SG:D | GET READY!  
SILVER INFOCOMM